

# TERUGVOERVORM VIR KONSULTASIEPROSES OOR KERKHERENIGING

Naam van gemeente: **NG KERK SONDAGSRIVIER (KIRKWOOD)** Sinode: **NG Kerk in Oos-Kaapland**

## Belangrik

1. Hierdie vorm word gebruik vir die terugvoering van groepsgesprekke in die gemeente. 'n Kopie van die vorm word ook gebruik vir die opsomming van die gemeente se insette en kommentaar.
2. Baie belangrik: By die gemeente se opsommende vorm moet alle "rou data", maw die skriftelike terugvoering wat gekry is van al die gesprekke in die gemeente, aangeheg word.
3. Die gemeente se opsomming met die aangehegte rou data moet nie later as 31 Oktober 2007 by die sinodale kantoor wees nie. **Stuur dit aan:** Skriba SK, NGK Oos-Kaapland, Posbus 34842, NEWTONPARK PE, 6055.
4. Volledige bronne oor kerkhereniging is beskikbaar by [www.ngkok.co.za/eenheid](http://www.ngkok.co.za/eenheid). Dit sluit **hierdie terugvoervorm** en die meegaande boekie, **Konsultasie oor Kerkhereniging**, in.

## A. Die gesprekke self

1. Hoe wyd is in die gemeente gesprek gevoer en kommentaar gevra oor die vier voorstelle  
[Merk al die blokkies wat van toepassing is]  
x      Kerkraad  
x      Wyke  
x      Kleingroepe  
x      Lidmate: byeenkoms  
x      Lidmate: individueel  
..     Ander: .....
2. Is met die oog op die gesprekke sowel die Belharbelydenis as Begeleidende Brief aan lidmate beskikbaar gestel om te lees?  
x      Ja  
..     Nee

## B. Gesprekke oor die Konfessionele Basis

Wat is die kommentaar en terugvoering wat die gemeente gegee het oor die Konfessionele Basis van 'n nuwe kerkverband?  
Mening oor die voorstel?

Konfessionele basis:

1. Daar moet moeite gedoen word met lidmate.
2. Hoe ver is ons susterskerk met hierdie proses.
3. Oppas vir politiekery
4. Afrikaanse mense is nou sensitief vir verandering a.g.v. die huidige klimaat in ons land.
5. Is die ander sinodes meer voorskriftelik as ons sinode? Hulle funksioneer meer hiërargies en watter invloed sal dit op ons sinodale funksionering hê.
6. Is die Belhar-belydenis werklik onderhandelbaar in hierdie proses of word dit ook maar net deur hulle sinodale strukture gedryf? Die pers se negatiewe vertolking van hierdie proses speel ook 'n groot rol in verdere polarisering van kerkgenootskappe.
7. Daar bestaan tans nie 'n groot behoefte vir die ondertekening van die Belydenis van Belhar nie. Lidmate bly baie skepties oor die manier waarop daar met hierdie Belydenis omgegaan word (word as politieke voorwaarde tot eenheid gesien en eenheid kan nie o.g.v. voorwaardes geskied nie). Lidmate erken egter die Bybelse inhoud van die belydenis.

Nuwe/ ander voorstelle?

Geen nuwe voorstelle word gegee, huidige voorstel word so aanvaar.

### C. Die Model

Wat is die insette uit die gemeente oor die voorgestelde model?

Mening oor die voorstel?

Die Model:

1. Verskillende tale binne sinode sal probleme veroorsaak en lei tot misverstande (tolke gee 'n bepaalde interpretasie).
2. Oppas vir magmisbruik binne een sinode.
3. Dr. Alan Boesak word nog gewantrou.

Wat moet by die voorstel bygevoeg/ weggelaat word?

Nuwe/ ander voorstelle?

Nuwe voorstel: Een sinodale kommissie wat saamwerk, maar elke sinode vergader op sy/haar eie.  
Die huidige voorstel word vervang met hierdie voorwaarde.

#### **D. Gesamentlike projekte**

Watter bydraes is daar in die gemeentegesprekke gelewer oor die voorstelle vir gesamentlike projekte?

Mening oor die voorstel?

Gesamentlike projekte:

1. Hierdie moet die begin wees van kerkhereniging en nie van “bo” af (sinodale vlak) nie. Anders sal ons een word sonder werklike versoening.
2. Hieronder sal kerkhereniging misluk.

Wat moet by die voorstel bygevoeg/ weggelaat word?

Nuwe/ ander voorstelle?

## E. Versoeningsprosesse

Die voorstelle oor versoening handel veral oor die konflikte in gemeentes van die NGKA en die VGKSA. Dit raak egter ook die NG Kerk:

Mening oor die voorstel?

Versoening:

1. Baie belangrik vir die hele proses.
2. Huidige voorstel word net so aanvaar.

Wat moet by die voorstel bygevoeg/ weggelaat word?

Nuwe/ ander voorstelle?

**F. Moontlike naam van 'n nuwe kerkverband**

Indien daar in die gesprekke spesifieke menings of voorstelle ten opsigte van 'n naam vir die nuwe kerkverband na vore gekom het, gee dit asseblief hieronder weer:

.. 'n Moontlike nuwe naam:

1. Hieroor sal daar nog baie gesels moet word in die lig van naamsveranderings van dorpe waarin baie mense voel hul geen insae het nie.
2. Hieroor wil ons tans nie gesels nie.

**Indien daar inligting is wat nie in die gegewe blokkie kon inpas nie, of ander sake wat u sou wou noem, kan u dit aan hierdie vorm heg.**

Baie dankie vir u deelname en aandeel!!

**Stuur hierdie vorm voor 31 Oktober 2007 aan:** Skriba SK, NGK Oos-Kaapland, Posbus 34842, NEWTONPARK PE, 6055